

唐棲志卷十一上

仁和王同輯

人物四 耆舊上

我思古人文章氣節淹沒不傳是誰之責時維兩朝地祇卅里搜采得此亦云夥矣強僞備格意無取焉不分出處願續陳編志耆舊 唐棲有耆舊錄一書已佚今仍之

元

陳伯通 家乘作仲通 字汝明錢塘人七世祖太學生聖道系

出文惠公後世家閭中建炎初扈從高宗南渡始居

錢塘西溪里因世為錢塘人大父仲謀公為福王與

唐棲志 志耆舊上卷十一

一

芮長史王有別業在塘西今大橋之南所謂莊基者是也地與西溪接壤公自少喪父從大父往還讀書其間因與里中諸賢士相交有卓叟者故任俠士有愛女擇配多不許一見公魁梧絕倫議論颯發大喜曰是真佳婿即不藉有家世亦成名士況為長史公孫耶遂以女女公裝送甚盛而妻亦約簡不事華飾長史公喜過望公益自讀書不輟憤時事艱難與名輩講求經濟之業期有濟當世聲名藉甚咸以管葛目之會元人南下臨安不守福王隨之北去長史公年亦老矣躬耕自晦公憮然曰吾不幸恃鞠于祖又

適丁國難吾當善養祖志豈能復爲世用哉乃專以
藝穀種桑布衣疏食節儉勞苦爲事諸向所與爲交
好者盡謝之勿見蓋示以時代旣易此身不可有爲
也久之以貲雄一鄉仲謀公旣沒追思少年遊處復
自西溪遷于塘西見福王故業爲豪富所有不覺黍
離之感生焉遂請于官以貲佃而居之然已僅得王
花園地數十畝餘皆不可得矣至今二百年後宋代
之遺跡土人猶得識之皆公之所留也公旣老益自
絕意聲利陶然自放琴書詩酒日與高人野老笑樂
自娛年八十餘卒子五人

邵銳撰

唐樓志

志耆舊上
卷十一

二

按唐樓漕河未開時地廣人稀僻壤也明以前傳
人絕少陳公于元初遷唐樓至今花園陳氏爲大
族公雖無大成就然明大義如此不可謂非福邸
之功臣也故取邵公記以冠名賢之首

明

陸秉中字孟言仁和人世居獨山

武林文獻

祖元宣政同知

樓水
文乘

字谷營退老於家依山構屋花木環繞兵燹後

靡遺獨老梅數十百本在秉中遂築室隱居其中

武林

文獻

性不喜浮靡端凝雅素有儒者風

張輅萬
玉軒記

自言梅

有處士之操君子之德君子比德於玉

武林文獻

故名其

室曰萬玉軒與弟孟恭友陳士甯徜徉其間以行其

志樓水
文乘

姜福四五林人博稽經史善吟咏工草書洪武初以同

邑王軫薦徵為刑部主事辭不就遂屏跡士大夫多

詩章贈之楊鞏云明時不受薦甘分老烟霞又車昭

云行藏有道傳家久徵召辭歸動世誇今家於青坡

者是其裔

康熙德清縣志 按五林青坡皆唐樓境而德清志并以唐樓為村故志之

郁魯珍仁和人洪武中以辟舉

西湖游覽誌餘

官陝西被罪退

居獨山村中不復入城市然竟以松石軒詩卷被累

瞿存齋歸田詩話

逮死獄中時瞿宗吉有元宵詩一聯云三

唐樓志

志者舊上卷十一

三

市燈花依舊好一天明月為誰圓魯珍和云夜燈間

論誰家好春月初看此度圓為眾推許

西湖游覽誌餘

平顯字仲微仁和人博學多聞風流蘊藉詩文皆有典

則書法深穩可尚洪武間應孝弟力田

兩浙名賢錄

官廣

西藤縣令

屬樊樹山房集詩註

癖嗜松老益不懈自藤筮仕庭

有稚松百本日俄其間倍壅沃灌愛護殊至凡省耕

問俗往來道途見有森然而株蓊然而陰或孤根拔

石樛枝偃蓋黛色鱗音者雖巖崖崎嶇磽幽深未

嘗不停輿駐轡砭碱心目而後舍

松隱記

尋降主薄謫

戍雲南顯溯長江經洞庭道夜郎其為歌詩怪變豪

放得遠遊之助名賢錄居渠濫川又多萬松時縱遊覽

壤接漏天夏秋霖霽織薄曲為巢聽雨自號松雨老

人松隱記西平侯沐英請于朝除伍籍為塾賓名賢錄西

席故居在北關外之橫里地有仲墅洛山水名十二

里漾松雨軒集中有句云萬頃水雲橫里北百年邱

隴洛山陽又云藕花官漾十二里桑蔭鄰村數百家

又云水竹空思仲墅村樊榭山房集詩註逮東歸永樂丙戌

始抵仲墅居水竹舊居松隱集詩註著松雨軒集祖硯堂集詩註墓

在洛山紫漣嶺樓水文乘

周義號素懷仁和家人家于西里之北三分橋內正統戊

唐棲志

志耆舊上卷十一

四

午中式樓里景物畧己未進士授工部主事辛酉兼管器

皿廠事明年告病歸丙寅補屯田主政十四年秋上

從中貴王振議挾上親師北征擢義兵部車駕司義

伏闕切諫不從隨駕北狩師陷土木君臣潰散軍律

失倫奔竄紛紛有勸義人匿者義曰君臣大義名節

關頭正在今日可貪生而圖幸免乎毅然不行為虜

所困三日不食死之樓水文乘家人俟夜靜竊負屍歸葬

于里之西仁里中游平橋東樓里景物畧英廟復位大學

士李賢奏論隨駕死節功臣詔贈吏部文選司中議

大夫從祀廟廷二年詔沒于王事者並予祭葬子式

文成化辛卯舉人太原知府式文子正元正德庚午

副榜桂林府同知

樓水
文乘

王同曰土木之變文選司周殉國明史無聞焉失

記也而杭州府志及仁和縣志均無傳幸有私記

不至泯沒可勿誌哉

夏時正字季爵家世慈谿至其父始遷仁和時正生而

穎秀登正統乙丑進士授刑部主事轉郎中

萬歷杭
州府志

景泰六年以郎中錄囚福建出死罪六十餘人中有

減死詔充所在濱海衛軍者時正慮其入海島爲變

轉發之山東然後以聞因言凡福建減死囚俱宜戍

唐棲志

志耆舊上
卷十一

五

之北方法司是其言而請治違詔罪帝特宥之時正

又言通番及劫盜諸獄以待會讞淹留時月囚多瘐

死請令所司斷決詔從之且推行之天下天順初擢

大理寺丞久之以便養遷南京大理寺少卿成化五

年遷本寺卿

明史
本傳

七年歲大稔命大臣分道巡視

楊
守

陞撰夏公
神道碑

時正得江西至則興廢勸振

萬歷杭
州府志

濟饑

民二十三萬戶裁省諸司冗濫力役數萬人罷黜不

職庶官二百人所至命有司興學勸士條析兵民利

弊而興革之遠近悅服長河洞流民嘯聚親臨其境

諭以禍福民感泣羅拜境內帖然南昌城章江門外

每歲夏秋之際江水挾風濤為患嚙城址浸淫民居

召監司計帑羨分遣官屬修城壘增築瀕江之隄及

豐城諸縣陂岸皆江西百世之利也夏公神道碑嘗上奏

不具齎奏人姓名吏科論其簡恣帝宥其罪錄彈章

示之遂乞歸明史本傳至杭後隱居鎮之西南山即三峯山俗稱

西南山 儵室以居泊如也樓水文乘 布政司張瓚神道碑張贊 為

築西湖書院居之明史本傳於孤山營巢居閣樓水文乘久之

書院火歸慈溪宏治十二年布政司楊峻迎還杭舍

於歸錦坊日著書屬文夏公神道碑時正雅好學明史本傳為

人剛正負氣官至九列而生計蕭然流寓不常工筆

唐棲志

志者舊上卷十一

六

札喜吟咏所著有留餘稿萬曆杭州府志晚號留餘道人樓水

文乘 有太常志三禮儀畧舉要各十卷杭州府志六十

三卷禹貢詳節一卷萬曆杭州府志深衣考一卷留餘稿四

十卷瀛嶼稿梅花詠春秋辨義若干卷樓水文乘葉文莊

獨雅愛其為文以為如春蠶簇繭秋鶴引吭云萬曆杭州

府志 家食三十年明史本傳年八十八卒于杭垣歸錦坊新

舍樓水文乘 父誠詳義行傳

王同曰府志夏公家世慈溪於杭於三峯山流寓

耳然府志云其父遷仁和則居仁和矣贈刑部郎

中夏誠墓在三峯山公故隱居於此以廬墓也又按

葉文莊者崑山葉盛與
季爵同年嘗題其文稿

沈文炳字用明號東園先世錢塘曾大父彥常贅丁氏
遂爲仁和人祖父大廣父元吉三世皆不仕東園生
而形神秀異少長岐嶷莊重讀書日數十百言讀周
易日一過旁及詩書左傳百家之學久之入郡庠議
論馳騁視科舉若不足爲謂功名可以立就旣而學
日富年日大造物日舛比歲落解者且十餘而顛毛
種種矣正德乙亥年五十九貢春官試大廷授繁昌
司訓明年攜室以行年六十二卒于公寓歸葬超山
東園處己謙以和與人情以恕其居家父母安其孝

唐棲志

志耆舊上
卷十一

七

兄弟信其友其居鄉老者服其誼少者懷其恩其游
學以至入仕所交際貴賤賢不肖無慮數千百人雖
志操行能不同而皆愛慕歡如也故自結髮至于耆
艾未嘗有違言及於人人亦無以橫逆加子男一天
祿恂恂信實精通軒岐之術孫二致中致和公無傳
節錄丁

西軒所撰墓
志銘爲公傳

沈處士貞字長吉號竹南其先錢塘人祖彥良贅丁氏
父以常遂留家泉漳竹南讀書通史傳百家言壯益
博學不逐時好見科舉文體卑弱輒棄去弗顧曰吾
不爲是也以父命遷於祖居之南環居植鉅竹因自

號竹南父以常向留伯兄元吉所日一再往問寒燠
或留身以待事元吉執弟禮甚恭凡田廬僕妾亦惟
元吉是制不敢校宗黨重焉宏治己酉新居火時何
孺人適在殯暮夜倉卒撫柩大慟曰天乎甯焚我母
毀我母柩火及身不避去既而舉室蕩然惟孺人骸
骨得無恙人以爲孝感所致歲丁巳九月疾卒年五
十七葬超山之陰子一文耀孫三天秩天敘天宇

養浩撰
墓志

王同曰司訓之博學處士之孝友一鄉善士也以

丁西軒有墓志而今得書之泉漳沈氏或肇此歟

唐棲志

志耆舊上
卷十一

八

書缺有間不可攷矣

丁養浩字師孟號集義西軒其別號也

棲水
文乘

洪武初丁

友直公徙居漳溪距唐棲東南十里又曰漳里至丁

樂善公築室丁山負山臨湖爲讀書所於漳里別築

新第迨西軒生人見其修長英偉迥出眾人因呼其

地爲大人里

棲里景
物畧

成化十三年丁酉亞魁二十三

年丁未會魁

仁和趙
志選舉

累官四川按察司副使時有墊

江富民殺人給孤姪使冒罪賄成其獄養浩廉知其

寃竟反坐轉廣東右參政時河源程鄉賊蠡起養浩

募人守要害使不得逞遣兵以次擒剿四境底甯歷

陞雲南左布政致仕仁和趙志年六十九與郡人復齋孫

公素軒陳公竹軒毛公慕庭邵公素庵張公直庵沈

公直齋董公學稼費公西湖居士鄧公等二十九人

先後得請歸者共結為歸田樂會每月一會主會者

以齒周而始復但遇良辰美景湖山名勝靡不游覽

游必紀之以詩此唱彼和琳璆鏘然一時人物之盛

莫不歎羨歸田樂會序所著有效唐集西軒類稿樓里景物畧

平生剛介不阿在言路有蹇蹇譽事母孝歷官三十

年妻子恒留事母而以一僕自隨父丁甯字耕樂以

子貴贈副都御史樓里景物畧兄養蒙養正弟養晦養素

唐樓志

志者舊上卷十一

九

效唐集子之喬字松坡樓里景物畧生而目如龜鼻如象顏

墨如黑玉頭禿如古羅漢性喜山水手植松百萬株

超山數十里蒼烟翠雪中咸知有松坡隱君子結廬

海雲洞口曰松坡小隱人相傳為黑龍王化身丁悅超山

龍洞記孫曰以彬字庚石嘉靖丙午舉人樓里景物畧中應

天榜仁和志選舉亦不仕曾孫守臣字念石嘉靖辛酉樓里

景物畧中順天榜長垣教諭仁和志選舉守臣子周字梅汀

樓里景物畧萬曆壬午舉人奉新縣知縣周子汝馮仁和趙志

字季淵樓里景物畧恩貢生有轉境編行世汝馮子宏郡

庠生有逸才仁和趙志

王同曰融而爲川結而爲山蔚爲人材於是乎有人傑地靈之說吾觀於前漳丁氏而益信矣西軒公致仕歸子松坡於超山摸石池側石壁鏤公像及已像與沈望雲像顏曰青霞洞天遂復開新河以通墓道此山此水視爲吾家園林以眡巨室之之疊石濬池小則一坯大亦不過數畝者爲何如哉

邵銳字思抑仁和縣人

萬曆杭州府志

號端峯別號半谿居唐

棲里之北仁壽橋之西

棲里景物畧

學本六經文思沉鬱

正德戊辰舉禮部第一

萬曆杭州府志

時逆瑾虐燄方熾同

唐棲志

志者舊上卷十一

十

年多往請謁銳毅然卻之曰可使天下後世謂進士

謁中要自銳始耶及呂仲本爲狀元亦不往輿論並

高之

玉堂叢語

改翰林院庶吉士瑾方擅政焦芳劉宇深

相結芳子黃中字子仁皆改吉士未幾傳旨俱授編

修銳以甲第列於仁上亦併授焉恥與爲列方具疏

辭免會伯兄欽至以危言沮之曰以會元而得史職

亦常分耳公議自在於汝何尤尋以父喪守制歸瑾

敗詔革傳奉官亦併及之言者以非其罪服闋改甯

國推官尋擢南京吏部文選司主事轉禮部員外郎

因病在告庚辰起爲江西督學僉事進福建副使仍

董學政銳温良樂易雅志作人兩爲學使皆以變化
士習爲先取人必先行誼多士尊信其教翕然向風
歷湖廣參政河南按察使廣東山東左右布政使所
至咸有惠政終太僕寺卿嘉靖甲午十二月以病乞
歸卒年五十四贈都察院右副都御史諡康僖銳爲
人謙冲不伐忠信直諒篤孝於親媼睦宗黨不爲皎
皎之行而倫誼克敦其學無所不窺與崑山魏校相
友善貽書往復皆聖學精微時政機要不及時俗語
內行淳備恥於近名天下以爲眞道學云沒之日筭
無數金田僅百畝身後之澤諄諄語其子勿請乞也

唐棲志

志耆舊上
卷十一

十一

人益高之

萬歷杭
州府志

時朝論以爲清官配享於杭城忠

清里之揚清祠

樓水
文乘

文集有端峯存稿姪德夫字北

淵正德己卯中式仕至南昌府通判有端峯遺行兄
綱以子德夫貴封贈子守儉以父蔭都督府經歷姪

守先以伯父銳蔭入國子監

樓里景
物畧

陳善曰康僖醕和儉朴有素絲羔羊之風其檢身立
政闇然自修不驚華競然卒以令名終焉語云桃李
不言下自成蹊其康僖之謂乎駱兩溪文集曰端峯
邵公常以書遺其從子曰如其時命不利便當以溝
壑爲心余夙貧得此語爲良
藥服之數年於茲受益多矣

沈良字維良號方溪其先淥溪人父璋號存濟贅唐棲

徐氏家唐棲方溪少閑雅涓志高尚補郡弟子員敦

勅躬行慷慨慕節士風然平居于于雖卞急者與之
俱輒心化傾接窮士緩急稱貸善處豐饒嘗市絲誤
溢百金白還其羨有竊者伏中門門者得之公驚曰
此市兒也遽釋之戒勿言人有過惡每掩覆之遠近
無不慕沈公賢侑曰厚德士節蔡汝楠撰方溪慕志銘父存濟詳
義行傳

徐州字牧之仁和陸郭里卽落瓜里人父鳳號友筠母俞氏

牧之少警敏十五補郡諸生例貢入太學屢試不第
始嘆曰吾親垂老願歸而善養老親遂歸築臨溪舍
奉友筠公徜徉其間居嘗慕文正義田故事調卹振

唐棲志

志耆舊上卷十一

十二

貸鄉族歌舞其德者甚眾兄郡號見川嫡母何出嘉
靖甲午領鄉薦子一行可太學生孫男六長光宇次

光寔節蔡汝楠撰徐牧之墓志銘按銘文曰子名行可似爲荆石先生然孫男六而列名者只光

宇光寔二人何以無彥登名也年遠書闕不可考矣惟棲里志選舉引邑志以徐州爲湖廣中式嘉靖甲午科者爲徐郡見川之兄得此墓志可證其誤果係兄弟聯輝豈有墓志而畧之況明明曰屢試不第乎邑志所云徐州蓋別一人也墓志全文詳冢墓

石韞玉字上珍棲里舊族饒於貲少病目廢書無志仕
進性渾樸不言人過惟嗜酒愛花石集里中善飲者
十數輩結爲酒徒列炬飛觴必以雞鳴爲節人以石
雞啼稱之有石雞啼傳晚歲家中落杜門不交一人

自號鄴上朽人終身隱於花酒有晉人風味

杜處士乾世居塘西里以父奎墓在臯亭故號懷南少年時挾諸少年章臺曲瓦佐佑以狎旣壯弄裘馬搏觚博塞驚玩以俠稍長服賈弗善窺盈縮乾沒以乏迨老力稼穡娛芳卉與鄉閭戚誼盤桓杯酒笑傲以洽處士履措向不落莫人後里之南水中有洲謂遠市則去闐闐不數武謂邇市則氛囂邈然處士樂茲清嘉關榛穢初室廬植柳竹別作隔世境界處士卒洲歸卓外史外史不忍死處士思尸祝之繪圖灼薌俾處士之名與洲俱存名洲曰芳杜關未關初未初

植未植晃朗豁達嵬邃敞密鬱麗翠翁惟時地靈闡秀人文鬪奇茲洲與處士益光矣處士之配周周之母邵邵之弟康僖公邵爲余伯母余孩提時公之配恆持抱予故余稱處士爲姊丈處士有二女一適胡一適周適胡者生子心得中乙丑進士進士之肩康外史之甥也 贊曰人以地勝地以人顯茲洲以外史氏 景煥萃山川相映發處士緣茲洲聲稱不泯永永百世地以人顯人以地勝歟天壤間沕穆尋軋名實因著者固如是嘉靖乙丑冬日呂需撰

王同曰村名伍林句壘橋則平章月波地以人傳

芳杜洲亦猶是也以水山翁文作杜處士傳可不朽矣

馬三才字思參號松里仁和人武林耆舊錄明初徙湖州之

德清祖景暹父瓏由德清復徙仁和籍李攀龍撰封御史馬公神

道碑居伍林村下塘寨之北樓水乘母張孺人夢星入懷

而生嘉靖癸卯舉于鄉丁未成進士改翰林庶吉士

己酉授山東道監察御史庚戌出按山東清理軍政

釐剔痼弊軍民德之壬子再按真順等郡縣值歲大

浸請發帑振濟減糧稅緩征輸改折馬價免新征籽

粒漳衛二河決傷民田廬疏請開濬民以安冀州僧

唐樓志

志耆舊上卷十一

十四

通 叛三才訪獲潛銷巨患時礦徒王五兒等嘯聚

流劫亟會撫院撫剿並行刻期殲滅甲寅督學京畿

三才感殊選奮發圖報重經術端文體諸士嚮風有

臬司某素干清議因聯姻分宜莫敢指摘三才廉其

狀專疏劾罷分宜樓水乘幾蹈不測毛雅黃松里詩序世

廟嘉其績屢賜白金文綺戊午拜太僕少卿巡行郡

邑興革事宜無不修舉樓水乘繇太僕歷南京通政外

謫由疏劾分宜肘掖姻茅坤撰松里馬高士墓表庚申丁母憂後

不出仕樓水乘絕與世不相聞數與山人沈仕李奎千

戶施經及鄉大夫高光州冕沈太常淮趙溧陽應元

陳鶴慶師攜榼湖山間為社遊分曹賦詩相唱和不

以寒暑風雨間茅坤撰松里年未五十即解組優遊

別業歷官止十三年毛稚黃松侍封公惟謹丙寅封

公沒越十餘年無疾而逝卒年六十五歲著有自由

堂稿玉芝樓集三巡奏議鸚鵡樓雜錄詩紀經史辨疑

春遊集秋社稿樓水松里集行世樓里景子二應華

應策樓水

按馬氏祖墓在葛嶺茅坤撰松里墓表所云先世
平章公墓阡之麓者是也李攀龍贈御史封公
瓏神道碑云馬氏自明初徙德清至瓏復徙仁和
而府志及錢邑志有登雲橋馬通政宅今俗稱馬
衙衙者是似馬氏世居杭繼遷德清復徙仁和居
城中登雲橋矣然德清邑志選舉嘉靖庚子科舉

唐樓志

志者舊上
卷十一

十五

人馬三才注云十六都人其市鎮志云唐樓市在
縣東三十六里十六都與仁和十一都聯境鄉都
志云十六都共十一村曰上初鳴中初鳴下初鳴
北楊村塘樓塘南楊村五林青坡蘇家壩下塘
俱屬永和鄉志以馬三才為十六都人樓乘以為
居伍林港則其居塘樓境也無疑大抵三才之祖
景暹尚居德清父瓏依外家居唐樓故三才舉於
鄉時尚云十六都人迨貴後移宅錢邑之登雲橋
或別業在焉未可知也墓依平章祖墓于葛嶺其
松里集毛序詳藝文李撰神道碑及茅撰墓表全
文均詳

俞士行居塘樓之南四五里許繁楊一作村至今埜老

猶說其事實焉樓里景號雲峯佚其名科甲歷官莫

可攷士夫稱之曰將軍迹其人品亦武弁中佳士禦

倭有績吾鄉賴之樓水嘗攜酒芳杜洲集文士宴飲

沈太玄卓明鄉等皆有贈詩

樓里景
物畧

爲同里馬三才

所器重萬厯初添設分府碑題名有俞梅或是此君

樓水
文乘

通政馬三才與之書曰棲里彈丸地乃有足下

具熊蜚之畧吞吐蓋世亦百年之奇焉卽今時事紛
拏敵氛叵測舉朝欲設壇場禮大樹吳越顧盼舍公
其誰標銅柱于海東勒穹碑于漠北是所亟亟七閩
偏藩金中丞安得久借才自私也不佞局促京塵拮
据漕務每憶河梁之眷彌深嶺嶠之思尙缺楫題有
疎介紹而千里書貺復至矣攬以迴環眞誼滿紙至
所隱心廟社令人投袂欲起假令海內忠臣義士盡

唐棲志

志耆舊上
卷十一

十六

復如公以恩威率軍以沈鷺遇敵文武一心肝膽在
握何難天下事哉奈任者率以首尾談者工於文具
半屬支吾漸成銷鑠可爲一再太息耳初意亦欲執
鞭豪傑遇事圖報而時艱官薄一切空書辰下又奉
荆南之命想天厭此迂闊書生姑以三湘九疑供我
吟橐又送以詩曰甌海烟霞起畫樓將軍夙去跨紫
騮運籌未盡封侯畧誰知借寇還遠遊淮南開府豫
章豪燕頷曾叨華袞褒百年敢望國士遇飛艘千里
下秋濤干櫓雲橫泗水寒旌旗月落三更曉丈夫捐
軀報知己况以賜環恩不少千金結客且將盡萬人

學敵欲何爲到日瘦樓觴月後從容帷幄贊雍熙沈
朝煥送繁楊俞將軍詩曰丈夫七尺寧蓬蒿撐持宇
宙稱人豪眾中特起鳳凌霄里兒項領輕鴻毛俞君
少奉一囊粟從容拔劍誇其曹十三能讚孫武策十
五能操風胡刀穿營粵徼破箐筏揚帆閩海凌波濤
中間更墮污泥滓劍光埋血豐城裏青天塌坼垂白
虹九閻大叫天爲理攬環結佩相終始願持赤肝奉
天子再入夷波射大魚百折孤魂一朝起功成掛印
乞身閒十徵不起高東山邇來烽急海氛惡強爲蒼
生一抗顏束馬懸車任時好黑頭未厭功名老千城
在望百不憂卽今廉將誰與儔憑君扼虎靜郊甸我
須射鴨眠滄洲卓明卿送俞將軍士行之淮詩曰細
柳將軍自好文轅門刁斗靜無聞坐令海上銷兵氣
會見淮南樹鼎勳偃蹇巖阿誰念我風流年少獨推
君長城久屬東南望杯酒河梁惜別羣俞士行攜酒
芳杜洲宴集卓明卿詩曰春半寒猶重陰霾畫不開
故人載酒至霽色入簷來櫪繫將軍馬林傳處士杯
十年朋舊意此日醉登臺

胡心得號襟寰

康熙德清縣志

仁和人附籍德清

德清縣志選舉

居唐

棲之青林村

康熙德清縣志

字元靜生而岐嶷蚤慧器識沈

厚童穉時簡重寡言

本傳

髻歲游庠

樓水文乘

嘉靖甲子科

舉人德清籍乙丑科進士

仁和趙志選舉

授

部主事庚午

出守廣川時巨盜林道乾賴元爵之亂公以計斃之

從容應接勘定禍亂有羊子輕裘緩帶風奏捷叙功

兩蒙帑賜秋典試後卽丁內艱服闋補安慶府循聲

較著撫按交薦觀察徽寧

本傳

嗣奉敕整飭金騰兵備

雲南久之值劉流商岳鳳與子曩烏謀不逞勾引莽

酋等內侵而土司刀落參刀落奏等陰助賊勢川陝

震驚時已改命東粵聞之獨慨然任曰吾寧負東粵

璽書不負金騰父老復過滇南凡八閱月移鎮金騰

唐棲志

志耆舊上卷十一

十八

之衝會議進攻剿撫之策未幾破酋穴悉殲滅之後

誅岳鳳父子而滇南平徵拜都御史

康熙德清縣志

辛巳陞

授廣東參藩楊給諫以滇事疏薦將赴任嶺南會直

指劉九澤爲江陵門下士時江陵新敗因劉及公公

安之不以辨遂棲遲衡門爲終老計壬辰起補閩省

參藩癸巳轉廣東按察使乙未轉廣東左轄卓異茂

著

本傳

神廟時荆襄商漢汝南間饑民流入爲盜亾命

者咸集焉時宰舉心得有幹能遂出撫鄖陽適強宗

崇仁敬義崇義等萌異志山賊蟻附者近百萬眾竊

據漢陽時撫按正會議間崇仁突擁眾直入省會肆

掠遂剽劫商舡欲溯流建號留都心得宵夜移師漢陽覆其巢別遣偏師躡其後崇仁不敢北上遂反兵內向計誅之功尤偉康熙德清縣志駸駸向用大展有期會中蜚語有調補留都之命公于楚鄖豐功偉績視金騰尤較著方其轄楚也稅使肆虐於域中播酋跳梁於域外卒賴公酬給因之楚水不波蜀氛立掃不若鎮鄖時安定也本傳當蘊飪變起殺撫臣趙幾驤當時疏報擬之凜亂奉命征討調各省重兵如征寧濠心得不待奉命卽移師守鎮襄陽移書當局第嚴防無過張皇度敵勢不能有爲坐困可擒及底定各文武

會勘承天心得曰天子宗親首囚封疆重臣慘毒義切同仇情深罪泣此會當如弔不當如慶遂罷宴飲禁音樂又曰爲天下除兇殘不得不討爲朝廷篤宗誼不當盡法自蘊飪巨憝正法外無求多焉又致書兩臺此事可名爲亂不可名反奏當敘事不當敘功凡敘疏先請卹死方爲得體處分確當保全無旣識者躔之當鉅勳烈烈未獲補爵而代官者至矣心得欣然就道樓水文乘歸老于田日與二弟蒔花品藥徜徉數十年一日以痰厥卒大約德量如王文正而簡重爲多勳名似裴晉公而淵穆差勝猷畧似杜征南而

風操殊偉生平不知機械坦夷率易直躬而行當大事籌畫色不沮喪腹有定謀功成不居所爲安危倚重者也本傳第生平不附權要觀察徽寧時張江陵母

赴都道經皖江獨心得筐篚不飾於是屢用屢斥不

容廟堂老死林下樓水文乘生于嘉靖之丁酉卒于萬曆

之甲寅本傳宅在漳溪南隔河三里許孤林村贈君胡

鳳來以孫心得貴贈副都御史父汝宜號樂峯以子

貴初贈安慶府知府再贈副都御史孫自獻號樸庵

以祖心得貴蔭詹事府主簿改宗人府經歷樓里景物畧

元配博溪王夫人繼配聞夫人俱有淑德傳家乘公

唐棲志

志耆舊上卷十一

有鄖陽奏疏若干卷本傳

王同曰鄖陽胡公本傳爲張半庵所輯意即在奏

議序錄中今其書已佚公之治行歷楚滇閩粵至

今稱之萬曆時方伯丁西軒御史沈讓亭與胡中

丞三姓鼎峙于泉漳稱極盛

沈楠字汝材康熙和縣志號讓亭居仁和之漳溪里嘉靖丁

酉中式樓里景物畧隆慶二年進士授南昌府推官康熙仁和

縣志四年一裘三日一肉出入則婦孺咸指曰清官清

官黃輝撰孺慕亭記花園鄉故稱盜藪役久無功楠單騎詣

賊賊皆而縛悔罪願歸農楠白於上官盡解縱之花

園以平事聞賜白金文綺以卓異入爲監察御史張

居正擅權楠疏劾其黨殷正茂冒功不法事又譏彈

時政操切非所以輔少主居正銜之會李流秦分占

者謂不利於憲使居正康熙仁乃謬推使往孺慕巡

按陝西又迫其程限令不得歸視母楠觸熱投故里

僅一登堂康熙仁牽母裾悲不自任孺慕亟脂車入

陝既至問民疾苦康熙仁而秦案山積常自嘆食少

事煩柰諸葛公何孺慕疏請停延綏入衛軍減薊遼

苑馬牧地廣花馬池鹽課以佐餉方條上方略議行

之康熙仁而其直指秦也限例嚴酷暑中南北萬里

唐棲志

志耆舊上
卷十一

二十一

與日爭路之秦孺慕而暑疾大作待命耀州竟卒楠

性孝友廉於財遠聲利妻徐氏早天不再娶有弟終

身不離析盡以先世遺構讓弟好獎拔士類有知人

鑒南昌季試所拔士如湯顯祖萬國欽皆以文名天

下年僅四十有二子四人朝煥官參議有能聲朝燁

舉萬曆三十二年進士至廣東按察使以廉善稱轉

福建布政司參議中讒去孫宗埆字以冲舉崇禎十

六年進士官行人康熙仁

鍾化民字維新明史別號文陸仁和縣人生時有芝草

瑞夢宋蔡忠惠而誕萬曆己卯舉于鄉陳嘉訓撰由

鍾公傳

府學庚辰進士

仁和志
選舉

授惠安知縣多異政

明史
列傳 豪

右侵民利負官租者必痛繩以法履畝清丈豁浮額若干頃審徭役減虛丁二萬洛陽橋壞渡者苦溺工巨且難毅然修復之先期爲文告海神潮不至者五日人稱神明及更新蔡忠惠襄祠於座前土中得碑云五百年後爲怪濤所折繼我者其維新焉適與公

字合歲旱齋戒步禱甘霖隨澍

陳嘉訓
撰傳

御史安九域

明史
列傳

巡行所在告歉入惠安則豐穰迨出境復苦旱

如前怪徵其故旁邑民俱誦公平日廉明虔禱狀直

指大異之

陳嘉訓
撰傳

薦于朝以俸未及期移知樂平

明史

唐棲志

志耆舊上
卷十一

二十二

列傳

惠人走撫按請留者以萬計不可得江右樂平俗

故狡悍號難治而治狀視惠安時益精核有數疑獄久不決片辭折之皆讐服他邑冤民常不遠千里控撫按批樂平鍾青天事無端緒者輒迎刃樂人彙刻爲洗冤錄稱公爲三不要謂不要官不要命不要錢也以清廉第一聞朝廷宴勞授山西道御史

陳嘉訓
撰傳

與同官何卓王慎德交章請建儲不報出視陝西茶馬言邊塞土寒獨畜馬爲業今慮其闌出爲厲禁於是民間孳息與境內貿易俱廢公私緩急亦無所資請聽踰境販鬻特不得入番中又曩甯夏乏餉歲發

萬金易米二萬七千石後所司乾沒濫征之民請以

墾田粟補之永停徵派俱報可巡山東歲旱明史列傳下

車慮重囚出冤繫禱雨隨車蝗起籲天以身代蝗盡

隨大風入海陳嘉訓撰傳請蠲先發後聞明史列傳尋以執法

忤權貴倪元璐撰忠惠祠碑坐竇夏時取官錢交際為尙寶丞

周宏稭所劾調行人司正明史列傳俄遷禮部主客司員

外郎陳嘉訓撰傳累遷儀制郎中明史列傳會三王並建之議

起乃先上書元輔王公詞義嚴正後會議朝房王公

猶以從容調停為言遂裂袷與爭隨露章劾之終寢

其議改議郎陳嘉訓撰傳潘王瑄堯由支庶嗣請封其庶

唐棲志

志耆舊上卷十一

子為郡王化民持不可帝傳諭曰第予虛名令藉是

婚娶耳化民奏曰潘王子與元子孰親王子不即封

慮妨婚娶元子不即立不慮妨豫教乎帝怒無以難

明史列傳意不測執政以下皆駭懼陳嘉訓撰傳或問後事化

民談笑自如樓水文乘賦詩有五鳳樓前堪洒血莫收吾

骨葬江邊句上旋悟遂罷前旨陳嘉訓撰傳潘議遂寢化

民日夜以國本未定為憂後漸得要領數微言以動

國戚國戚為言于貴妃儲位卒定事頗祕樓水文乘冢宰

孫公丕揚廉知其緒嘗遇而拜曰真社稷臣也陳嘉訓撰

傳尋進光祿丞二十二年河南大饑人相食命化民

兼河南道御史往振明史列傳請發帑三十萬金留漕十

萬石飛示弛貴糶禁以集商米設粥廠恤貧宗療疾

疫歸流移掩遺骼單騎遍歷州縣村墟慰問稽覈諸

司望風勤事盜賊聞風屏迹隨地撫馭中州之民計

共活五千四百六十萬四千有奇倪元璐撰忠惠祠碑荒政具

舉民大悅既竣圖以進帝嘉之褒諭者再推太常少

卿二十四年以僉都御史巡撫河南討平南陽礦盜

夾河賊嘯聚數千人復督兵破之時方采礦抗疏力

諫明史列傳既還鎮病作卒之日士民皆哭失聲罷市樓水

文乘化民短小精悍多智計明史列傳髻齡受學志在經濟

唐棲志

志耆舊上卷十一

二十四

天文地理韜鈴諸書無不熟諳其學以體仁為宗而

一歸之實用故自縣令至中丞興除建白粹然一出

於理學陳嘉訓撰傳居官勤厲所至有聲勞瘁卒官士民

相率頌于朝詔贈右副都御史賜諡曰忠惠明史列傳著

有讀易鈔十四卷體仁圖說日省錄勵學編經濟日

鈔應變錄樓水文乘令惠安樂平著有親民類編擢烏臺

按秦晉著有閱視類編求生錄倪元璐撰忠惠祠碑萬歷中奉

旨河南建祠後因郡人請建祠西湖之濱跨虹橋左

西湖志祠中隨產紫芝而賜諡適同蔡諡與始生時之

瑞合陳嘉訓撰傳

呂需字時行年十八提學副使徐階試談天雕龍論奇
之擢第一入南雍文好爲奇峻不諧時尚縱意詩歌
古文下筆立就工書畫旣而博極羣書嫺韜畧精數
學揣摩當世事動若符契嘗遊京師閣臣方有事河
套與總督曾銑議合銑棄市需挹鬱侘傺以歸胡宗
憲總制四省擊倭海上或以需薦需且陳方畧宗憲
用其謀卒擒海賊徐直或勸需入仕謁選得鴻臚丞
解組歸日講求性命之學與許孚遠論辨往復開講
院于水西學者爭趨之宗憲旣以殄倭功出需指授
又議罷塘棲築城免傷財勞民乃建德勳書院于棲

唐棲志

志耆舊上
卷十一

二十五

水之東以頌需也晚年家居遊行遠近自製小車乘

之曰安平車年八十卒卒時香風襲人

康熙和縣志

附錄來方煒撰呂水山翁傳公諱需字時行號水山其先汴人隨宋蹕南徙婺之永康唐棲其再徙也大父尚本父一素公代載臨德以耕讀起家兄名坤號北埜博學端良文譽宏茂督學萬公潮參藩吳公廷翰延公爲上客而呂氏之伯仲遂以文章顯公孩時穎慧警捷日記千言稍長倜儻有大志習舉子業務奇峻語善屬詩歌下筆立就工書畫貫串諸家放達不羈志在四方慨然有古豪舉之氣嘗遊諸名公箬溪顧公一見遂小友字之一庵唐公方講學茗上延之上坐辯難不少屈先是僉憲王公惠政得民最深以忤事罷官公素仰清譽扼腕不平乃懷金贖之王君以無名辭公曰需非私于大人恩澤在編氓一申葵藿耳年十八徐文貞公督學兩浙試公談天雕龍論大奇之校選第一屢試不第引例入南雍而文貞轉擢南司成相得益歡第好文好簡朴終不遇遂縱意詞章博精韜略海內賢士大夫咸以經世之業相咨

詢及遊京師謁元輔夏公桂洲倒屣以迎適總督
公石塘出鎮三襄持閣議套內以地乃漢唐朔方故
郡也從中贊襄旦暮有封狼居胥遂使大何外有
屢建奇畫逐虜內有嚴分宜之擠焉幸公善跳不
仇咸罹禍國境淪夷至今有遺憾焉符券會東
及禍耳歸益演習陰符揣摩當世防禦要汛有司推
南島夷為難督撫蒐材覘覘沿海防禦無遺因修
穀公遂躍然攬歷覽要害指畫經畧矣歲丙辰
祖尚父公墓于海岱之間其氣致亦甚豪矣歲丙辰
文貞公已亞相梅林會語溪呂四鎮擊倭海上慮從
中制冀自結于雲間故見貴人平生不作擊曲簡
梅林因以客禮見公故見貴人平生不作擊曲簡
傲放論胡公深器重之委心天下事焉公去都中胡
公以二吏賈書揭以隨北謁文貞於內握手道歡略
脫禮法談笑大廷側若無人二吏窺屏問汗流
泱背文貞隨作報視悉二吏對益奇之遣介擊文貞
筆作報胡公啟視悉二吏對益奇之遣介擊文貞
愈深嘗治軍桐鄉海鹽旌節道樓上必造公廬一切

唐樓志

志者舊上

大計皆密請于公自將偏裨以下指示悉當卒擒
徐明山汪直二巨寇四鎮始安公之借箸力也及文
貞秉國時督撫少松滕公岨峽張公時郵書問候公
終不往日與清撫少松滕公岨峽張公時郵書問候公
講會于茗雪間彬彬敬庵里中胡元敬卓甫謝政
綠堃與公對榻聯床朝夕不倦期以兩月一會事
旬餘始返適當奉鄭新公意奏文貞公家不法會
幾碎徐氏之族力為幹畫而解公負絕智精數元洲
城兵民兩變公初陽孫公咸賴以言戚友信者如元洲
張公少溪金公初陽孫公咸賴以言戚友信者如元洲
馬法故人競傳其得黃石公書云居恆好遊不耐家
居遇人樂與周旋興盡即去或脫巾徒跣不設禮度
雖達官尊人顧也遇少年未嘗不以修身勤學為
勗尤喜談兵故一樞筭督率諸臣無不欽遲而樂
與之遊南塘戚將草堂劉輻軍皆羅禮之旁藉以
立功至景歷醫卜之士雲集輻輳皆禮之旁藉以
術而亦不敢自號擅場必讓諸專工者及試問之即
精于其家者不能易也短小精敏無書不涉居然以
隆中其期者不跡法二王懷素擅名于世臨池有
畫情韻欲從紙上躍出或一菜一菓潛飛小品宛有

生趣非本色人能及然亦不輕作有操金求者即擲
筆棄去見友人為炭餅者欲得之養砂便展卷易之
故有欲得公書繪者非多方伺其隙怨質者公曰不
年日諄諄誨人孝友會伯仲以隙怨質者公曰不
怨不怒非情也藏怒宿怨非性也時共服為至言尤
喜接引後輩深契胡休復卓去病兩生著意造就之
其生平學力必以語胡元敬迨屬續前三日尙飭二
生於榻前顧謂元敬曰汝在我放心矣又自云少
年遇釋悅心大得其錙錘之力故歷折磨見紛華皆
不為動棲溪自康僖公銳以文名世公才敏過之而
遇不顯然一方風雅自公啟之其芳稱亦繼康僖而
僅見者公生于正德甲戌六月三十日丑時卒于萬
厯癸巳二月日享年八十官鴻臚署丞原配
方氏繼王氏公無子以姪苑馬簿銳為嗣又兩繼孫
維濩維法重宗祧也余伯父夢得公余父九畹公筆
耕松陵三泖間公命維法笈從其詳蓋自吾父得之
但生平著作不留稿散逸人間不易搜集矣從孫昭
世日從知交流傳僧緇壁舍得其零逸詩文彙為小
集譬全豹一斑云惜其天文地理兵刑之學皆已
失傳久而慮其立身之槩或晦敬於公餘為之傳

唐棲志

志者舊上
卷十一

二十七

卓明卿字激甫仁和人眉目如畫始薄章句與豪子弟
學騎射劍術已乃折節閉門博綜百氏所交傾海內
豪傑好稱詩初為國子生賦桃溪書屋詩詩聲滿留
都謁選得光祿署正好詩彌篤父艱服闋補珍羞署
正兩浙名賢錄著有卓激父正集續集卓氏藻林與東海
屠赤水雲間王世貞伯仲周山人 吳下王伯穀諸
子相友善捨貲造大善寺棲上古刹諸勝碑記俱出
先生手筆兄文卿初姓宋後復本姓字章甫號心華
嘉靖辛酉中式不仕善青綠山水極工巧多摹文氏

筆法

棲里景
物畧

徐彥登字允賢號景雍萬厯己丑進士第四人改翰林院庶吉士出爲山東道監察御史視事西城威名驟張無何奉命按治陝西茶法甫出關卽上言關外邊備單弱宜增置壁堡蒐簡卒乘報可噤承恩劉東陽反於甯夏挾敵爲助當事怵賊燄欲議撫彥登不勝憤遺書言逆賊憑一城乘釁妄動所恃敵耳敵得利輒去非有縱橫之謀今一狂豎機肉大吏投書悖慢可叛可降權皆在賊諸公宜滅此朝食奚事撫爲當是時賊敵旣合彥登慮諸番或生心騷動百方慰勞之益發牧馬赴大軍軍爲之雄洎賊平敘功及彥登

固辭避而上書請上勤政講學以爲外甯當有內憂其臨大事善持論引義慷慨如此然精疆於職事無纖巨皆舉其立寺學志茶馬創義田皆起墜振廢垂諸經久時番族有歛關求內附者得旨會勸諸邊將立功賞爭言納之便獨彥登言番人好亂易動叛服無常苟以服爲功必且以叛爲咎他日誰任之者卒報罷旣報命當按吳中辭以地逼得廣西將發矣會有以筐篚事劾巡撫四川都御史王繼光者語逮彥登遂謝病歸未數月暴疾發卧一日卒年四十著大

雅堂集行世躋祀鄉賢祠

太史陶望齡撰傳

建坊於德清長

橋曰天朝耳目坊父行可號荆石監例光祿寺署丞

以子彥登貴贈御史

棲里景
物畧

王同曰德清縣志彥登仁和人附籍德清中萬曆

十七年己丑進士焦竑榜授庶吉士改御史差陝

西茶馬釐剔積弊不苟取與以廉幹稱居家談經

闡道卒祀鄉賢蓋仁和淶溪人而籍德清者雖然

徐御史之貴荆石先生啟之御史為荆石先生第

四子張半庵曰徐行可號荆石嘗居鄉恐子聞見

不廣時延四方文人以資學識治具宴客無虛日

萬曆乙酉孟夏荆石先生大雅堂成太子少保吏

唐棲志

志耆舊上
卷十一

二十九

部尚書元州張翰書四韻詩贈之

詩詳
園亭

末句曰誰

言大雅堂遺佚會有新恩賞舊廬蓋景雍先生已

露頭角矣自徐御史以後代有文入所謂淶溪西

徐者是也

沈朝煥字伯含楠之子仁和人萬曆壬辰進士授工部

主事

杭州
府志

會大內災兩宮燬大臣睽眙無措朝煥議

撤會極門斷火勢火息上以為能賜金異數秋典試

山東所拔皆知名士當時海內晏嬉非獨人不知兵

即言兵者駭叱不詳惟朝煥怵然隱憂

棲水
文乘

時倭事

孔亟上疏以相機遠襲對馬近襲釜山為上策議和

市爲下策而終之以練土著墾屯田重武科用反間
疏入不報尋命權關荆南苛細悉捐民困大蘇轉職
方員外陞武選郎中謝絕權貴鉗勒豪吏積弊肅清

仁和縣志然終慮承平久文恬武熙尤宜清查條上四事

一京營將士宜練一遼左軍餉宜核一武臣世爵宜
敘一秦晉亂萌宜防時天子方御北臺讀朝煥疏爲

中罷樓水會有錦衣陳某以戚畹陳乞欲併軍功橐

黃金爲壽朝煥揮去堅持不可忽傳中旨陳某准陞

三級與世爵時夜半中官督促取覆朝煥具疏參劾

事遂寢諸不便之者中以考功法調外知靖州仁和縣志

唐樓志

志者舊上
卷十一

三十

靖俗尙巫鬼朝煥以禮義教化之期年大治樓水 厯

陞四川按察僉事仁和縣志蜀方治兵平建猱藩臬員缺

身佩六符嘗督餉務設五運法令兵在越騫者北就

食鎮西南就食冕山乃大將劉鋹受游擊戈仁躬賄

別計峩峩進兵以撓運議朝煥鎮冕山之餉漸集復

勒回之取徑獾狗是舍夷取棘也於是堅促出師身

督冕山兵據桐槽要害大將分兵出畧寧番破昌木

地等營猱始喙息鼠遁然軍中猶持雕剿之說朝煥

曰兵在安民今第設鎮兵清屯額畫疆土而郡邑之

此百世之利也中丞悟而止蜀用兵不毒皆朝煥之

賜

樓水
文乘

轉福建布政參議致仕歸

仁
縣志

未一月而卒

朝煥嘗留心邊計深諳用兵尤長于詩文所著有泊
如齋全集卓然稱一代作者仲弟朝煒字仲含十三
歲補諸生工詩古文詞徧歷燕趙齊魯峩峩劍閣三
湘五溪武夷諸名勝王家彥謂朝煒遇勝必游游必
紀紀必詩胸中之趣能與山川之靈相發生平惟慕
陶淵明陳太邱一流人以自況著有樸堂詩稿四卷
游記六卷沈氏韻林十卷季弟朝煌字叔含生而忱
靜恆危坐竟日不見喜愠色客長安例入成均時伯
季顯達而孤標自賞北闈屢躋就高安丞有循聲署

唐樓志

志者舊上
卷十一

三十一

邑事頌聲載道尋卒於署士民痛惜之所著有北平

詩草燕臺雜詠行世

樓水
文乘

王同曰讓亭諸嗣可謂賢矣仲含不仕叔含官卑
而著作蔚然伯季則參藩按察治行卓著忠廉之
報及其子孫信夫

沈朝華字季含楠弟四子蚤孤夙慧甫四齡或指燈試
之卽應聲曰以其昭昭使人昭昭長而淹通雅選貢
入國學萬厯癸卯領北解明年成進士授工部主事
進員外郎司九門衢會李太后合葬昭陵積潦梓宮
不得發朝華濬瀆以通水道神宗大悅賚以白金庚

戊陞郎中治河張秋悉弛井泉隄柳諸屬禁久之中
讒去戊午起四川參政備兵渝州有保障功天啟初
擢江西按察使奢酋發難殺文武吏七十餘人距朝
華去兩月忌者不能釋中以考功法歸當事思蜀功
更欲起之踰年復以廣東按察使出鎮雷陽雷陽陟
秋猶瘴朝華體豐碩觸熱抵任纔五日遽卒生平歷
官不附黨亦不斥黨自行其志筮仕初李廷機在政
府語人曰沈君渾金璞玉人欽其實莫能名其器其
相引重如此子宗坂同以癸卯領鄉薦宗坂子鍾鶴
貢生有經世才隱于唐樓之東河

康熙仁
和縣志

唐樓志

志者舊上
卷十一

三十二

徐灝號大津天啟丁卯中式崇禎甲戌進士傳臚後卽
上書求表祖母貞節俞允建坊任常德府武陵縣有
借竹樓集樓里景
物畧作令頗強項以傷豪貴意獲譴待
勘楚中卒於武昌旅舍人有傳其不死者亦一異也

崇禎戊辰進士官武陵令

沈洪芳十
子詠詩注

按仁和縣志徐灝中式崇禎七年劉理順榜注曰
錢塘籍德清縣志選舉表亦列入甲戌劉理順榜
其爲七年無疑沈椒羽詩註以爲戊辰者誤惟
或由德清或由錢塘明世科目無從考證矣

金陞號楚石大麻人以萬曆癸卯乙榜任山東德平令
縣大蝗捐俸糴穀募民捕蝗貯諸斛與穀稱是旬日
捕殺殆盡鄰縣大盜行劫殺人郡守以疑捕德平民

十餘人置獄力請付縣自鞫果獲真盜釋冤繫者遷邳州知州適河決親版鍤鳩工徒鑿戈山足以殺其勢提舊河遏其衝河患浸息時妖賊倡亂援兵至署叅謀軍事設伏蓮艾二山破賊有功得紀錄當晉秩會逆黨呈秀巡鹽涖淮索賄不應遂被疏劾去官里

居垂三十年年八十五卒

康熙德清縣志

按金陞德清人也何以志志金漸皋不得志其祖金氏世居大麻而金漸皋故仁和籍也又讀沈宗堡大覺禪院記云西水金公楚石則前人已偶爲西水之君子矣安得以藉德清而外之

卓禹初名起蛟字肖生號海幢年十三入邑庠弱冠從慈水姚禹疇學得姚江知行合一之旨從兄左車才

唐棲志

志耆舊上卷十一

三十三

辨穎悟兼通佛理嘗與推演其義以見吾道之大儒釋相合於是偕同志沈無回胡休復謝耳伯崇理學談仁義又從博山雪嶠方外請質疑滯禹之學從本達用不知者以爲偏佛也詩遵李杜詞擬宋元周恤貧匱歲歉賑粟修廢寺葺橋梁棲里劇盜恣而禹饒于貲賊懷其德莫敢犯庚寅年卒六十有八著有鬢雲軒遺稿子彝登順治丁亥進士官至左春坊

樓水文乘

卓攄初名顯卿字襄野號寓庸別號入齋倡明經學士林嚮風子左車孫珂月家學相傳並以明經聞曾孫亮庵才名尤著署其祠曰傳經堂因亮庵交徧四方

名賢碩彥題詠紛然由是而傳經之名益顯樓水

卓發之字左車號蓮句仁和人杭郡入齋長子天資高

邁人謂其雙眸炯炯有將相才樓水為瑞安卓忠貞

公敬八世孫公子孫脫難流寓武林遂隸籍仁和家

塘棲蓮句博究縑緇名其堂曰傳經以延四方賢俊

杭郡以文章負重名知交傾東南才辯穎悟海幢並

精竺乾之學杭郡通佛理其所持說雖碩學名僧不

能屈海幢崇禎癸酉鄉薦副車按康熙乾隆府縣志

名俟後棄家樓水嘗寓金陵築室清涼山下名曰械

園園有一山類襄陽袖石巒壑畢具其中眾花滿林

唐棲志

志耆舊上

三十四

可供塵刹疑是西土盛花之械因處處誌之得詩十

六首以表蓮宗運想諸境標題曰械園螺史杭郡戊

寅年卒五十二歲著有水一方詩草樓水漉籬堂集

杭郡

卓人月字珂月仁和別號蕊淵樓水拔貢生才情橫溢

撰文穩帖而奇險詩亦不為格律所拘仁和以未遇

早逝世謂才命並同長吉吳綺傳其詩詞樂府及蕊

淵蟾臺兩集傳誦海內計東傳

王同曰唐棲傳經堂之名震宇內亮庵先生以祀

入齋蓮句蕊園三先生祖孫一堂吾故萃而志之

詩曰孝子不匱永錫爾類亮庵有焉

丁元瑛字韻含崇禎癸未舉於鄉留京邸庚辰懷宗有不次用人之詔陞見授太原忻州知州時晉氛特熾旱蝗蔽空白晝剽掠殺長吏劫帑藏無歲蔑有元瑛單車就道馳至廉知其渠惡斃之庭下如是者數十人始安集撫軍雲怡蔡公知其才事必詢之循資轉江西饒州同知去忻日士民攀轅者數千人癸未二月抵饒江時叛兵湖賊日熾地界楚豫廬鳳間山澤牽連不可撲滅元瑛以幹強自矢不名一錢吏有持稅羨以獻元瑛曰吾知羨爲故例不知爲吾例也上

唐棲志

志耆舊上
卷十一

三十五

臺知其賢委署樂平縣事樂民刁健數持令短長告變元瑛嚴懲其主者皆不寒而慄乙酉六月

國朝傳檄諸將領解散元模以親老辭歸蕭然一肩由常山抵嚴州知閩粵立主不能渡江依同年邵隱淳安山中江南平始返故里事八旬父母終其身壽七十七里人以忠孝稱著有寓鴻草行世

棲水
文乘

沈守正字無回錢塘人

杭州府志

生有秀表下筆千言立就

時黃卓甫葛屺瞻兩先達以文行相砥爲士人所宗而一時吳伯霖羅原父俱與守正友善最後與胡庶常休復卓吏部去病交

康熙
和縣志

萬曆癸卯舉于鄉謁

選得黃巖教諭杭州府志巖故近海而牢山風氣尚塞守

正整齊規矩開說文義一方大為興起有學田八百

畝向為豪佃奸胥所飽守正設法清出之貧士爭以

為感康熙和縣志台卒譟海盜叅政張師繹單騎入台守

正謁道左繹曰劇孟在吳楚無憂况得國士乎乃設

方畧殲大憝解株連口不言功中丞益重之浙西銓

部缺鄉大夫欲推轂守正守正以學博俸淺破格驟

遷非國家愛惜名器意力辭杭州府志秩滿當遷國子助

教忌守正者沮之會知錢塘令朱上愚時為太常卿

故與董公見龍雅知守正乃相與揚言于銓司曰以

唐棲志

志耆舊上卷十一

無回才何等不可哉顧國學自是平進耳奈何又靳

之康熙和縣志遷國子監博士擢都察院司務杭州府志甫任

四十二日卒識者嘆其年與官俱不究其才具云康熙

仁和縣志守正高才博學詩文雋爽喜為蘇白體直指李

公按浙時折柬咨詢守正益自發舒所條上諸議多

采擇施行杭州府志所著四書叢說十七卷雪堂集濬河

仿倭議行世他作遭燬散樓水文乘

曹菽園曰守正居棲里而志錢塘者大抵籍在錢

塘學也

胡允嘉字休復仁和仁和趙志大中丞襟寰公猶子棲里景物

畧

父元敬先生操履端方里中有太邱彥方之目性

至孝不再娶卓農山客祠記休復年十二母夫人棄養哀毀

欲絕侍封公唯謹一日不侍食不為飽少見鄒吉水

於留都便相印合歸從許司馬講學提唱稱入室弟

子義博出行擇地而蹈里中日懾樓里景物畧讀書殫精

研究與卓農山沈無回為友杭州府志每作文鏤心腐腎

如穿高雲下蒼鶻挽勁弓射怒潮之猛捷江左操觚

家無不慕之仁和趙志嗜詩傳校讐寒暑靡間杭州府志每當

泉谷幽邃便解衣盤礴吟嘯其間不自休一人雜選

即攢眉欲去至抵掌當世務練達深得要領顧癖嗜

唐棲志

志耆舊上卷十一

三十七

書捐數百金博綜讐校坐擁書城丹鉛不去手雖剝

啄聲相錯而披對自若也赫蹏一脫手人爭先傳之

以為枕中秘居常澹然累心事了不相干好獎引人

人有急不以蕭然辭然非氣類中人絕不與作緣其

文章品地信可當過江第一流樓里景物畧萬曆丙午舉

于鄉癸丑成進士選庶常人史館仁和趙志未逾年而卒

於京邸著有柳堂集沈椒羽十子詠詩注吉陽李邦華曰休復

詩似陶韋序記逼漢唐間雜柳蘇其切中事理經濟

劃然又似晁董頗得其實焉仁和趙志

卓爾康字去病仁和趙志號農山杭之唐棲里人樓里景物畧寄

籍德清樓水萬曆壬子舉北闈鄉薦德清授祥符教

諭仁和署儀封封邱假守許州德清憤時重進士糞

搜一榜厚自策勵樓里所至頒立條教治河渠築

圯城為百世利德清入為國子學錄樓里值上臨

雍進講稱旨有白金文綺之賜德清轉吏部司務調

南京都察院司務樓里歷陞工部仁和屯田司德

員外郎仁和在司廳危言激論動引古誼兩尚書

皆屈已從之以讒德清左遷常州府檢校徙大同府

推官時盧公象昇為總督爾康建白兵事稍自發舒

量移兩淮分司運判歲大禋為淮人請振語切直多

唐棲志

志耆舊上

三十八

忌用罷歸仁和空囊壁立日擁萬卷進麥糜一盂而

已德清甲申之難鬱抑床席不踰年而死樓里卒

年七十有五爾康孤峙介特以世道為已任樓水與

胡允嘉同學好古師事孚遠而友高攀龍樓里萬

厯間河決山東爾康年甫二十與允嘉下第居南京

遣老僕裹糧視高家堰口諸生皆目笑之舟行南北

迂道泝沿訪問黃淮河分合情勢作河渠議七篇劄

及禮樂財賦漕運錢法官制六典會要各有成書尤

詳於武備比官大同哈卜之議起爾康謂象升曰邊

吏不知大計莫若宣諭西哈保全殘卜存中國大體

象升大以爲然下邊吏施行仁和趙志晚歲論兵專爲東

事錢虞山常云去病以文士喜論兵述戰守勝負之

要似尹師魯遇事發憤是是非非無所忌諱似石守

道棲里景物畧尤善接少年寒峻鉅公要人片言不合終

身不相往來其學以經術爲本仁和趙志晚得交於錢收

齋愍六經之學後儒不達旨要作易學五十卷詩學

四十卷春秋辨義四十卷棲里景物畧文震孟進講春秋

將錄其書以獻會去不果仁和趙志有文集二十卷虞山

題曰修餘堂集棲里景物畧子人臬字有枚以古文爲當

世所稱仁和趙志

唐棲志

志耆舊上卷十一

周文煌字太玄西里人也曉音律家貧落魄不羈天啟

初年爲友人訐訟當兩造之際木索箠楚無算一辭

不相及里中人因目懾之以豪傑士也不數年大將

軍毛文龍鎮山海關招納四方英俊太玄往投之無

他長以杭人也收之麾下既而毛將軍移鎮皮島兵

出沒如神敵人因測太玄在麾下謀所以建功者即

以音律進毛將軍悅之授以千兵之職不事戰陣第

日夜教習其歌兒數十人軍中常爲梨園之樂敵人

不知以方戲也而毛將軍已潛出師疾趨他寨往往

取勝於時太玄之驕侈異甚歌兒美女服鮮衣乘怒

馬馳騁于海山之間數年矣其後毛將軍爲袁崇煥
矯旨見殺士卒散亂太玄號呼莫知所爲念受恩於
毛將軍無可報者時毛將軍屍猶暴露海濱太玄爲
草疏痛陳主帥之有功於邊願賜收骸骨歸葬卒允
行之已而北騎薄都城崇煥下獄輿論始定明年孔
有德叛大掠齊魯間太玄自揣與孔有舊往說之釋
甲歸國孔不聽殺太玄

棲里景
物畧

王同曰周文煌者文龍幕中客耳何志哉然觀其
訟文龍疏義士也說孔有德而見殺忠臣也疏中
以武穆比文龍亦溢辭然文龍不死我

唐棲志

志耆舊上
卷十一

四十

師未必長驅崇煥之才苟勝文龍則文龍不死崇煥之
才苟如文龍則文龍可死自崇煥才小忌深而文
龍死也文龍死而大局敗矣殺百崇煥何益哉疏
與告白詳雜記中

沈宗垓字梯生深明經術敦孝弟喜著述由拔貢授景

寧教諭

棲里景
物畧

甲申之變棄職歸里弟宗埰字幼文

宗垓任教諭宗埰隨兄入景寧庠順治乙酉南省猶
屬弘光宗埰歸道錢塘遇俠客鮑周鼎執埰手觀天
象曰歲在鷄火祚猶未終豪傑之士當擇主談兵何
得困辱布衣不作蛟龍雲雨想也宗埰唯唯隨渡江

而東魯藩監國宗埰布袍帶劍廷說陳策魯藩甚悅
隆禮賜宴勅授監紀司李繼除浙西監軍道督羽林
衛士五千巡行江滸越之舉義旗者無不折節下之
指揮糧餉無不中窾監國大喜謂得人焉復賜賚金
帛刀劍而

本朝欲得宗埰大索之然監國諸臣營黨鬻爵將帥弄兵
卒難圖治宗埰憤之值浙西起義龐佩元字會眞者
曾與宗埰結盟督兵劫糧爲當事羅織坐獄宗埰聞
之曰吾義不負死友而獨生遂徒步千里至會域爲
邏卒生致之送中丞中丞責以不跪宗埰大罵曰我

唐棲志

志耆舊上
卷十一

四十一

等世受國恩死卽死耳焉能屈膝爲爾等請命哉中
丞怒卽命棄市會城士民環覩者億萬無不撫膺稱
屈且嘆方正學于忠肅不能踰此兄宗垓爲之立傳

棲水
文乘

王同曰景物畧有宗垓而無宗埰蓋當日猶諱言
之予謂世家不幸而逢鼎革上則捨身以殉國次
則韜晦以保宗如幼文者始逢俠客終殉死友亦
近名之甚也君子哀之

沈士藻字公浣天啟甲子五名經魁屢赴禮闈下第就
汝州郟縣教諭時流寇犯汝州左良玉駐師於汝兵

驕而譁賊勢豕突小民進懼死寇退懼死兵當事者莫措巧者解組去士藻至邳縣日率弟子員講說經書激以大義俄聞賊至令與丞尉胸縮不敢越城一步士藻詣左營言辭慷慨與定守城計還卽力守北門兵民安集始有固志汝州賴以保全旋遷桃源令縣故無城賊至界民驚散不可止而黠民又爲賊謀士藻止家屬勿怖躬巡視晝守策誓死勿去賊焚掠鄰邑警報一日十驚士藻屹不爲動賊諜知有備不敢逼潛去士藻居官勤廉知大體折奸萌惜民力士民祝之未幾報政歸崇禎十七年偶疾聞大行皇帝

唐棲志

志耆舊上
卷十一

四十二

崩耗驚呼墮牀下家人趨視氣結己卒子二商書易

書隱居不仕

樓水
文乘

商書另有傳

沈宗塙字以同號定山仁和人性至孝居母喪毀瘠嘔

血杖而後起崇禎癸未成進士

乾隆杭州府志引
吳農祥就正編

與

海昌趙介皇爲莫逆交時流寇燎原各念老母偕歸

甲申北都變兩人相對痛哭赴南都謁新天子介皇

請就外吏宗塙奉命粵東諭祭吉藩時警報日亟愛

者勗以緩行宗塙叱馭就道至雄州峻事未及歸報

命聞南都復破泣告沿途諸守激以忠義跋涉至閩

行在所會介皇各陳報國之志介皇授銓部郎宗塙

擢兵垣給事黃門隨監催督撫軍單車歷東甌栝蒼
暑不張蓋悍帥驕蹇觀望張目指髮開陳大義屢疏
請親征選兵併餉片紙入告血誠凜凜監國屢爲改
容然疏十上卒不能用知事不可爲與介皇並棄官
歸賊盜繼起家盡殘破宗族離散奉母隱棲里時親
故仕

本朝者數遺書勸出宗塙曰吾以老母故不早從石齋諸
公道遙泉下悔無及矣安忍事二君以變臣節乎毅
然辭之壬辰冬卒年四十有六子四並有文聲

棲水
文乘

王同曰宗塙傳郡志隱逸僅數語似有所諱而不

唐棲志

志耆舊上
卷十一

四十三

言也今據曹氏棲水文乘補之康熙以後我

朝大激揚之權其明臣而仕我

朝者曰貳臣仕勝朝而與我

朝爲難者錫以諡此

欽定勝朝殉節諸臣錄所由作也然則何諱之有